

SAKSPAPIR

Saksnr	Utval	Type	Dato
065/21	Formannskapet	PS	06.10.2021
	Eldrerådet	PS	
	Råd for menneske med nedsett funksjonsevne	PS	
	Ungdomsråd	PS	
069/21	Heradsstyret	PS	13.10.2021

Saksbehandlar	ArkivsakID
Linda Judith Svidal Nordås	21/2363

Rullering av Handlingsprogrammet for idrett og fysisk aktivitet 2022 - 2025

Vedlegg:

Rullering av kommunedelplan 2022 - 2025

Rådmannen sitt framlegg til vedtak:

Handlingsprogrammet vert vedteke slik det ligg føre.

Formannskapet - 065/21

FS - behandling:

AVRØYSTING:

Rådmannen sitt framlegg vart samrøystes vedteke

FS - vedtak:

Handlingsprogrammet vert vedteke slik det ligg føre.

Saksopplysningar:

Saksopplysningar:

For å få innvilga Tilskot til anlegg for idrett og fysisk aktivitet (jamfør spelemidlar), stillar fylket to krav:

1. Kommunen må ha ein gyldig KDP for idrett og fysisk aktivitet
2. Handlingsprogrammet for anlegg må rullerast årleg.

Osterøy kommune har starta opp arbeidet med ny Kommunedelplan for idrett og fysisk aktivitet. Denne er venta utarbeidd i løpet av arbeidsåret 21/22, den skal på høyring sommaren 2022 og ventast å bli vedtatt hausten 2022. Fram til dette arbeidet er fullført, må vi rullere handlingsprogrammet med utgangspunkt i gjeldande KDP, som blir forlenga eit år om gangen.

Bakgrunn

Handlingsprogrammet tek utgangspunkt i dei anlegga som vart meldt inn når gjeldande KDP vart utarbeidd. Prinsippet for rullering er at dei anlegga som er venta å søke innan fristen, kommer opp på lista på Handlingsprogrammet, medan dei andre blir flytta tilsvarande ned.

Status ordinære anlegg:

Det er i år tre anlegg som er venta å søke innan fristen:

- Osterøy idrettslag: Rehabilitering av friidrettsanlegget på Hatland

Osterøy idrettslag søker i år for tredje gang, og søknaden skal såleis berre fornyast.

Arbeidet vart slutført i 2020, og rekneskapen er godkjent.

- Osterøy kommune: Dagsturhytta

Osterøy kommune set opp dagsturhytte på Erstadfjellet. Ein del av finansieringa her er spelemidlar. Fylket forutset at kommunen prioriterer Dagsturhytta i handlingsprogrammet.

- Fotlandsvåg idrettslag: Reiskapshus/garasje

Fotlandsvåg Idrettslag bygger garasje/reiskapshus som ein del av delfridrettsanlegget i Fotlandsvåg. Idrettslaget har fått spelemidlar til anlegget i 2020 og 2021.

VHFK melder inn at dei ventar at dei må bytte kunstgrasbana på Furubakken neste sommar. Dei er usikre på om dei rekk å søke spelemidlar til dette i år.

Det er ikkje meldt inn endringar på dei andre anlegga, som difor blir flytta ned i tråd med at anlegga som er realisert/er i ferd med å bli realisert, blir flytta opp.

Nærmiljøanlegg

Det er ikkje meldt inn søknadsklare nærmiljøanlegg i år. Hamre grendaråd fekk tildeling til ballbinge i 2021, og er såleis ute av lista.

Innspel frå Idrettsrådet:

Idrettsrådet hadde ingen innspel til endringar på vedlagt liste.

Vurdering

Dei tre søknadsklare anlegga vert prioritert i følgjande rekkefølge:

1. Osterøy idrettslag: Rehabilitering av friidrettsanlegget på Hatland

Søknaden er på sitt tredje år, og er framleis ikkje tildelt midlar. Anlegget var ferdig i 2020.

2. Osterøy kommune: Dagsturhytta.

Hytta vert ferdig i 2021. Fylket ynskjer prioritet av prosjektet i handlingsprogramma. Tiltaket gjev mogelegheit til fysisk aktivitet for mange.

3. Fotlandsvåg IL: Reiskapshus/garasje

Fotlandsvåg IL har fått midlar dei siste to åra. Reiskapshuset har stått på lista over fleire år, og kunne såleis ha blitt plassert på andre plass. Når administrasjonen vurderer det dit at reiskapshuset skal prioriterast etter Dagsturhytta, skuldast dette i hovudsak at dagsturhytta kommer fleire til gode enn reiskapshuset.

Folkehelse

Idrettsanlegg og tilrettelegging for fysisk aktivitet er viktige verkemiddel for å betre folkehelsa.

Miljø

Aktivitetstilbod der folk flest bur er med å legge til rette for mindre transport og større trivsel.

Økonomi

For å vidareutvikle anlegg for idrett og fysisk aktivitet på Osterøy, er det viktig at kommunen reviderer Kommunedelplan for idrett og fysisk aktivitet, og handlingsprogrammet, i tråd med fylket sine krav. Det er ein risiko for at kommunen ikkje får tildelt spelemidler utan disse revisjonane. Spelemidler er eit heilt nødvendig verkemiddel for at anleggsparken på Osterøy skal utvikle seg vidare, og tilfredsstille nye krav.

Konklusjon

Handlingsprogrammet vert vedteke slik det ligg føre.